

Ured supervizora za Brčko primio holandske studente



Zamjenik šefa Ureda za sprovođenje Konačne odluke za Brčko (OHR Brčko) Gerhard Sontheim je danas primio delegaciju profesora i studenata sa Holandske vojne akademije (NLDA).

Studenti su prezentovali svoje istraživačke radove o dvjema temama: jedna od njih ispituje da li se reforme u Brčkom mogu smatrati uspješnim, a druga analizira pitanje mogućih podjela u Brčkom. Gdin Sontheim je iznio svoje mišljenje o prezentacijama studenata o gore navedenim temama.

“Zaista je impresivno vidjeti kako su ovi strani studenti detaljno proučavali i analizirali razvoj situacije i trenutno stanje u distriktu Brčko BiH. Sigurno podstičemo njihov interes za ovo područje. Brčko sa svojim reformama zaista predstavlja uspjeh iako još uvijek ima mesta za poboljšanja naročito u oblasti funkcionisanja javnih institucija, privrednog oporavka i međunacionalnog povjerenja”, rekao je gdin Sontheim nakon sastanka sa studentima i njihovim mentorima.